



Inatsisartunut ilaasortaq Anthon Frederiksen  
Partii Naleraq

### **Naalagaaffeqatigiinnermi pensionisiat assigiinnginnerannut tunngatillugu § 37 naapertorlugu apequtininut (2017-126) akissuteqarneq**

05-04-2017  
Suliap nr 2017 - 7198  
Takussutissiaq id 4861207

Qujanaq apequtinngorlugit nassiunneqarsimasunut.

#### **1. Suna pissutaava utoqqalineriutillit nunatsinni danmarkimilu assigiinngi- tsumik pineqarnerannut? uffa naalagaaffeqatigiikkaluarluta.**

Postboks 260  
3900 Nuuk  
Oqarasuaat (+299) 34 50 00  
Fax (+299) 34 66 66  
E-mail: inian@nanaq.gl  
www.naalakkersuisut.gl

Kalaallit Nunaanni Namminersornerullutik Oqartussat eqqunneqarmata inunnik isuma-  
ginnittoqarneq inatsisitigut tunngavilerneqarluni Namminersornerullutik Oqartussanut  
tunniunneqarpoq.

Taamaammat Kalaallit Nunaat - Savalimmiut assigalugit - isumaginnittoqarnikkut nam-  
mineerluni oqaasissaqarpoq, nammineerlunilu isumaginninnermut inatsiseqarluni, ilaa-  
tigut pensionisiant inatsit.

Kalaallit utoqqalineri pensionisiant inatsisaat innuttaasunut Kalaallit Nunaanni naju-  
gaqartunut tamanut atuuttoq kalaallit oqartussaaffigaat, soorlu assersuutigalugu tunine-  
qarsinnaanermut piomasaaqatit pillugit aalajangersakkanut tunngatillugu, soorlu ukiunut  
tunngatillugu, tassani qassinik ukioqarluni pensionisiant tunineqarsinnaalernissamut  
tunngasortaa, utoqqalineri pensionisiat tunngaviumik aningaasartaasa tapillu allallu  
amerlassusissaat.

Siuliani taaneqartut assigalugit Danmark Savalimmiullu immikkut pensionisiant inatsi-  
seqarput, taakkulu innuttaasunut Danmarkimi Savalimmiunilu najugalinnut atuutsinne-  
qarput.

Danskisut innuttaassuseqartunut tamanut atuuppoq pensionisiant malittarisassanut nu-  
nami tassani (naalagaaffiup ilaani) najugaqarfigisamut atuutsinneqartunut ilaasussaa-  
neq, taamaalillunilu nunami tassani (naalagaaffiup ilaani) danskisut innuttaassuseqartut  
allat assigalugit naligiissumik pineqartussaalluni.

#### **2. Utoqqarnik naalagaaffeqatigiinnerup iluani nunatsinni danmarkimilu assi- giinngisitsineq inuit pisinnaatitaaffiik aaliangersakkanik unioqutitsine- runngila?**

Immikkoortitsiniarneq inuilluunniit pisinnaatitaaffiik unioqutitsineq matumani pi-  
neqanngillat, tassani danskisut innuttaassuseqaraanni pensionisiant malittarisassanut  
nunami tassani (naalagaaffiup ilaani) danskisut innuttaassuseqartup najugaqarfigisaani  
atorneqartunut ilaasussaaneq.

Apeqummut akissutit aamma innersuussutigineqarput. 1.

**3. Utoqqaat aappariit tamarmik utoqqalinersiutillit Danmarkimi qanoq utoqqalinersiuteqarpat?**

Inunnut pensionisialinnut (utoqqalineri pensionisialinnut) aappariinnut / katissimasunut Danmarkimilu najugalinnut tunniunneqartut ukiumut (akileraarutinut akiliinnginnermi) 110.388 kr.-iupput (2016).

Sanilliussisoqassappat Kalaallit Nunaanni utoqqalineri pensionisialinnut aappariinnut / katissimasunut tunniunneqartartut ukiumut (akileraarutinut akiliinnginnermi) 101.200 kr.-iupput (2016).

Inussiarnersumik inuulluaqqusillunga

Med venlig hilsen



Sara Olsvig